



N 21/1397
02/03/2023

1397-21-2-202303021802



სს „აჭარის წყლის აღიანსს“

მის: ქ. ბათუმი, კ. გამსახურდიას ქ. N1

ელ.ფოსტა: Info@awa.ge

სსიპ გარემოს ეროვნულმა სააგენტომ განიხილა თქვენ მიერ გარემოსდაცვითი გადაწყვეტილების მიღების მიზნით, 2023 წლის 10 თებერვლის წარმოდგენილი N37 განცხადება, რომელიც ეხება ქობულეთის მუნიციპალიტეტში, დაბა ოჩხამურში გამწმენდი ნაგებობის (N5) მოწყობასა და ექსპლუატაციას. გაცნობებთ, რომ გზშ-ის ანგარიშსა და თანდართულ დოკუმენტაციაში არ არის მოცემული და დაზუსტებას საჭიროებს საქმიანობასთან დაკავშირებული, ასევე სააგენტოს 2022 წლის 25 ნოემბრის N21/7195 წერილში მითითებული საკითხები, კერძოდ:

- საპროექტო ტერიტორიის ნაწილობრივ სატყეო ტერიტორიაზე მოქცევასთან დაკავშირებით გზშ-ის ანგარიშში აღნიშნულია, რომ „საკითხი დაზუსტდება საქმიანობის განხორციელების დაწყებამდე და საქართველოს კანონმდებლობით მოთხოვნილი ყველა საჭირო დოკუმენტაცია (ტყის სტატუსის შეწყვეტისთვის ან განსაკუთრებული დანიშნულებით ტყით სპეციალური სარგებლობისთვის საქართველოს კანონმდებლობით გათვალისწინებული დოკუმენტები) დამატებით წარმოდგენილი იქნება სააგენტოში.“ როგორც სააგენტოს N21/7195 წერილით გეცნობათ, გზშ-ის ანგარიშში გათვალისწინებული უნდა იყოს „გარემოსდაცვითი შეფასების კოდექსის“ მე-10 მუხლის, მე-4 ნაწილის შენიშვნის მოთხოვნები, კერძოდ, თუ გარემოსდაცვითი გადაწყვეტილებისადმი დაქვემდებარებული საქმიანობა იმავდროულად საჭიროებს ტყის სტატუსის შეწყვეტას ან განსაკუთრებული დანიშნულებით ტყით სპეციალურ სარგებლობას, საქმიანობის განმახორციელებელმა გზშ-ის ანგარიშს უნდა დაურთოს ტყის სტატუსის შეწყვეტისთვის/განსაკუთრებული დანიშნულებით ტყით სპეციალური სარგებლობისთვის საქართველოს კანონმდებლობით გათვალისწინებული დოკუმენტები. შესაბამისად, წარმოდგენილ დოკუმენტაციაში სრულყოფილად

უნდა იქნას გათვალისწინებული სააგენტოს N21/7195 წერილით მოთხოვნილი საკითხი;

- გზშ-ის ანგარიშში არ არის გათვალისწინებული სააგენტოს მიერ მოთხოვნილი ინფორმაცია გაწმენდის პროცესის შესახებ (მეორე ფილტრის ეტაპის შესახებ დეტალური მონაცემები და რა შემთხვევაში მოხდება მისი გამოყენება), რაც გათვალისწინებულ/ასახული უნდა იქნას წარმოდგენილ დოკუმენტაციაში;
- გზშ-ის ანგარიშსა და ატმოსფერულ ჰაერში მავნე ნივთიერებათა ზღვრულად დასაშვები გაფრქვევის ნორმების პროექტში (ზდგ) წარმოდგენილი გამწმენდი ნაგებობის განთავსების GPS კოორდინატი (X-733689; Y-4635737) დაახლოებით 10 მეტრითაა დაშორებული Shp ფაილებით წარმოდგენილ საპროექტო ტერიტორიას, რაც საჭიროებს კორექტირებას;
- ზედაპირული წყლის ობიექტში ჩაშვებულ დამაბინძურებელ ნივთიერებათა ზღვრულად დასაშვები ჩაშვების (ზდრ) ნორმების პროექტის სატიტულო ფურცლის მე-3 დანართში მოცემულია წყალჩაშვების არასწორი GPS კოორდინატები (X-33693, Y-4635790), ხოლო 4.2.5 ქვეთავში (ჩამდინარე წყლების გაწმენდის ტექნოლოგიური პროცესის აღწერა) მოცემული წყალჩაშვების წერტილის GPS კოორდინატები (X-736495; Y-4638073) არ ემთხვევა საპროექტო ტერიტორიის არეალს. შესაბამისად, წყალჩაშვების GPS კოორდინატი საჭიროებს დაზუსტებას/კორექტირებას;
- ზედაპირული წყლის ობიექტში ჩაშვებულ დამაბინძურებელ ნივთიერებათა ზღვრულად დასაშვები ჩაშვების (ზდრ) ნორმების პროექტის სატიტულო ფურცლის მე-2 დანართიდან ამოსაღებია მე-2 პუნქტი;
- ჩამდინარე წყლებთან ერთად ზედაპირული წყლის ობიექტში ჩაშვებულ დამაბინძურებელ ნივთიერებათა ზღვრულად დასაშვები ჩაშვების (ზდრ) პროექტისა და გზშ-ის ანგარიშის გამწმენდი ნაგებობის ძირითადი პარამეტრების ცხრილ(ებ)ში (4.2.4.1; 3.2.5.1) არ არის მოცემული ჩადინების დაბინძურების დატვირთვები კგ/დღე-ღამეში;
- არატექნიკურ რეზიუმეს სხვადასხვა თავებში განხილულია ჩამდინარე წყლების №4 გამწმენდი ნაგებობის მოწყობა-ექსპლუატაციის საკითხები. მათ შორის საპროექტო ტერიტორიის (X-736517; Y-4638153.) და წყალჩაშვების GPS კოორდინატები (X-736495; Y-4638073) არ ემთხვევა №5 გამწმენდი ნაგებობის განთავსების ადგილმდებარეობას და წყალჩაშვების წერტილს. ვინაიდან, არატექნიკური რეზიუმე ეხება №5 ჩამდინარე წყლების გამწმენდ ნაგებობას, აღნიშნული საკითხები საჭიროებს დაზუსტებას/კორექტირებას და არატექნიკური რეზიუმეს გზშ-ის ანგარიშთან შესაბამისობაში მოყვანას;
- გზშ-ის ანგარიშის მიხედვით, გამწმენდი ნაგებობის განთავსება დაგეგმილია სახელმწიფო საკუთრებაში (აჭარის ავტონომიური რესპუბლიკა) არსებული 22653 მ² ფართობის მქონე სასოფლო-სამეურნეო დანიშნულების მიწის ნაკვეთის (ს/კ 20.37.02.012) მცირე ნაწილზე. მონაცემთა ელექტრონული გადამოწმების შედეგად აღნიშნული საკადასტრო კოდით მიწის ნაკვეთი ვერ იძებნება, რაც საჭიროებს დაზუსტებას/კორექტირებას.
- გზშ-ის ანგარიშში ცხრილის 10.1. სათაური „რეაგირება საქართველოს გარემოს დაცვისა და სოფლის მეურნეობის სამინისტროს N43 (16.05.2022) სკოპინგის

დასკვნით“ საჭიროებს კორექტირებას, ვინაიდან N43 სკოპინგის დასკვნა გაცემულია სსიპ გარემოს ეროვნული სააგენტოს მიერ;

- გზშ-ის ანგარიშის სხვადასხვა გვერდზე მოცემული ინფორმაციის თანახმად, მანძილი უახლოეს მოსახლემდე შეადგენს 70 მეტრს, ხოლო 3.1 ქვეთავში მოცემულია რომ გამწმენდი ნაგებობის ტერიტორიიდან უახლოესი საცხოვრებელი სახლი მდებარეობს 30 მ მანძილის დაშორებით. შესაბამისად, აღნიშნული საკითხი საჭიროებს დაზუსტებას/კორექტირებას;
- გზშ-ის ანგარიშის თანახმად, ჩამდინარე წყლების გაწმენდის ტექნოლოგია წარმართება თვითდენით, ტუმბოების გამოყენების გარეშე. თუმცა 3.2.5 და 3.2.9 ქვეთავი შეიცავს საწინააღმდეგო ინფორმაციას. შესაბამისად, აღნიშნული საჭიროებს დაზუსტებას;
- გზშ-ის ანგარიშის თანახმად, გამწმენდი ნაგებობიდან გაწმენდილი წყლის გაყვანა გათვალისწინებულია მიწისქვეშა მილსადენის საშუალებით, ხოლო ზედაპირული წყლის ობიექტში ჩაშვებულ დამაბინძურებელ ნივთიერებათა ზღვრულად დასაშვები ჩაშვების (ზდჩ) ნორმების პროექტში მოცემული ინფორმაციის მიხედვით, გაწმენდილი წყლის გამყვანი მილსადენის განთავსება მოხდება რკინაბეტონის ან ლითონის დგარებზე, ყოველ 6 მეტრში. აღნიშნული საჭიროებს კორექტირებას;
- გზშ-ის ანგარიშის 1.1 ქვეთავში, ჩანაწერი „საქმიანობის განმახორციელებლის და სკოპინგის ანგარიშის ავტორი კომპანიის საკონტაქტო ინფორმაცია მოცემულია ცხრილში“ საჭიროებს კორექტირებას;
- გზშ-ის ანგარიშის მე-11 თავში ჩანაწერი „ახალი გამწმენდი ნაგებობის მშენებლობისთვის შერჩეულია ძველი გამწმენდი ნაგებობის ტერიტორია“ საჭიროებს დაზუსტებას/კორექტირებას;
- გზშ-ის ანგარიშის ცხრილში 3.2.5.1 მოცემული ინფორმაციის თანახმად, CW უჯრედების ქვაბულის ფსკერის მოპირკეთება მოხდება 20 სმ **თხით ან გეომემბრანით**. გზშ-ის ანგარიშში დაზუსტებას საჭიროებს CW უჯრედების ქვაბულის ფსკერის მოპირკეთების საკითხი;
- ზემოაღნიშნული საკითხების გათვალისწინების შესახებ ინფორმაცია წარმოდგენილი უნდა იყოს ერთიანი ცხრილის სახით, სადაც მითითებული იქნება კონკრეტული ინფორმაცია, ასევე გზშ-ის ანგარიშისა და თანდართული დოკუმენტაციის უშუალო ქვეთავ(ებ)ი.

სააგენტო კანონმდებლობის შესაბამისად გარემოსდაცვითი გადაწყვეტილების გაცემის მიზნით ადმინისტრაციულ წარმოებას დაიწყებს ზემოაღნიშნული შენიშვნების გათვალისწინებით და „გარემოსდაცვითი შეფასების კოდექსით“ დადგენილი სრულყოფილი დოკუმენტაციის წარმოდგენის შემდეგ.



თამარ ფიცხელაური

თ. ფიცხელაური

სააგენტოს უფროსი

სსიპ გარემოს ეროვნული სააგენტო